



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

§. 6. Quomodo deriuetur à Deo.

[urn:nbn:de:hbz:466:1-47032](#)

euerti, magistratum omnem abrogari velle. vitia quædam gubernationis proferuntur, at vitium summum omnium constat esse, si nulla sit: vitiosè deflectit monarchia in tyrannidem, aristocracia in oligarchiam, democracia in ochlo ratiam; at pessimum est anarchia, cùm nemine ad rei communis gubernacula præsidente, vis & libido potentiorum, vel fraudulentorum astus pudore posito, nullius auctoritate coercente dominatur: melius ergo semper est aliquam, quam nullam esse rem publicam; non potest autem esse res publica, non communitas, vbi priuata omnia sunt, nec est ius aliquid commune supereminens quo priuatorum sejunctiones reuincentur quodammodo inter se, possitque si cuiusquam improbitate violatur aut discinditur, illud ius, suæ auctoritate tueri atque iusta vindicatione reparare; hæc autem auctoritas, quia per omnes vagari dispersa non potest, necesse est ut sit penes aliquos, qui ceterorum, quasi membrorum, vnius in commune corporis, capita sint, & illi (cuiuscunque demum generis sit) in vnum congregata hominum societati præsint.

§ 6. Quomodo imperandi potestas à Deo deriuetur.

Ira quidem hæc se habent, at restat vnum, Quomodo à Deo in homines auctoritas illa dimanet: de quo ideo pauca, quod etiam hinc reverentiae in Superiores, cum fiducia coniunctæ, leges amplior existit. Meminisse igitur debemus, affirmatè admodum vniuersalè que dixisse S. Paulum, Non esse potestatem, nisi à Deo, hoc est, omnem omnino potestatem esse à Deo, nec aliter esse posse nisi ab eo: hoc autem dixisse tam de magistratibus & prouinciarum Præsidibus, aliisque etiam infimorum subselliorum Præpositis, quam de ipso, à cuius nutu pendebat, Imperatore Romano; neque verò de illo solo qui tum temporis viueret, sed de aliis quoque deinceps futuris id voluisse intelligi, ac capropter Christianos fuisse semper illis, quamvis impissimis & persecutoribus, obsequentissimos: quod nisi fuisse, quam facile fulminatrices illæ legiones, fortissimique Thebæi, & tot innumeræ, deliberata morte fortiores, Christiani, in impietatis assertores rebellare potuissent: Potuissent sanè, at sapientius noluerunt, ne quæ emicantis in Imperatore diuinæ maiestatis, auctoritatem laderent. ita sensisse, ita fecisse constat; obscurum tamen esse possit, qua ratione id fieret, cùm Romanos Imperatores, vel violenter rem publicam oppressisse, vel factione suffragioque militari, maiorem partem emersisse memoriæ prodant. Hic ergo tantisper hæreamus: non est illi folirei, sed multis aliis hic nodus molestus ut dissoluatur.

Amanissimus est hominum, idemque sapientissimus & prouidentissimus Deus noster, qui cùm *omnia in mensura, in numero, in pondere disponat*, illud maximum sua bonitatis qua velit, sapientiæ qua norit, potestatis qua possit, argumentum ostentat, quod omnia quæ ab eo sunt licet diuersissima sint, ordinatisima

SAP. II.

Vsl. 118.

sima ramen sunt; ideoque bene significanterque dicitur, *Fundas literam, & permanet; ordinatione tua persuerat dies, quoniam omnia seruiunt tibi.* Ad conseruacionem autem ordinis quam maximè facit, ut certas in partes id omne distributur, & aliis aptè subiungatur, quod confusionem perturbationemque diuturnam paritum videtur: itidemque ad prouidentia sapientiam pertinet, vt sicuti ei caesarum inferiorum peruersitas, in rebus apprimè necessariis à destinato aberrare videatur, cursum inhibeat, & (quod lenissimè ac inobseruabili modo prestare solet Deus) id omnē in meliora conuertat, efficiatque, vt corum quæ ad eſe oportuerant, nihil desit. Sic ergo, si quando in re aliqua publica, ea iniungere tempora patitur, quibus aliquamdiu parum ordinatae sint leges, regnet ambitio, potentiamque usurpata comitetur auctoritas; quæ frequenter non bonis, peruersis etiam nonnumquam, atque violentis artibus extorta videatur fit sane, vt in primo illo motu, dum durat vis ea, quæ comparandæ in ceteris auctoritatibus subservit, ægrè possit agnosciri, cui, & an omnino alicui, illo tempore articulo sit iure parendum: & verò ad breue tempus in anarchiam, vel in anarchiæ imaginem deuolpi, deque imperij iure non satis constare, non est curi ratione censurabilenum. At quia nullum violentum solet esse diuturnum, perpetuaque ista dissociatio animorum, & voluntatum auctoritate exquatum inæqualissima dissensio, humanæ omnis (cuius conseruanda solemus esse auidissimi) societatis est inimica capitalissima: solent plurimorum animi, leuimento ad concordia bonum aspirare, & quam exhorruere potentiam, non potuerunt autem excutere, fauenteribus animis prosequi, agnoscere, ac interdum utrumque mutatis animis ardentiùs adamare. nempe, Vertumnus est homo, ctius non vultus tantum, sed animi etiam facies, non in dies, at in horas, sexcenties emutetur. At quanto h̄ic suo bono? quid enim opus est, vt quorum initia sunt non bona, mali progressus, mali quoque sint exitus? quoties dominandi regnandiūc cupiditas transuersos primū egit nonnullos, qui tamen cetera boni & rebus gerendis apti, cùm optatos honores essent confecti, eos prudenter, moderatè, sapienter, & ex publica vilitate gessere? sed neque quis qui in adeundo obtinendoque magistratu error admittitur, auctoritatem ita virtuat & eneruat, vt illi non sit parendum: quidamque interdum, loci & hominum moribus, viget auctoritatis ineunda modus, non satis ipse quidem legitimus, & rationi congruus, verum quia passim usurpatus, quia melior alius in usu non est, quia communi consensi admittitur, neque ius atque rationem penitus euertit, propterea ad rerum grauiorem perturbationem cauendam, etiam sic auctoritatem tradi patitur Deus. Qua in re humano generi benignissime consulit bonus Dominus, nequaquam ferens vt quod viræ nostræ rationibus est præ ceteris necessarium, id conuelli, in dubiumque reuocari possit à quoquam: sit nécne vir bonus, prudens, sapiens qui præest; fauorene e blandito, pecunia, variis artibus, an suis meritis, in id fastigij sit cuectus, obedienti nihil attinet;



attrinet: auctoritatem datae, non modo quo data est, obedientia defertur: ei que qui supra cathedram Moysi sedet, quia inde praesidet, non quia eam certa ratione descendit, adhibetur fides. Sic igitur quoties accidebat ut fauore legionum, & acclamatione militari Romanus crearetur Imperator, quando primum vi & armis, vel Iulius, vel Augustus, rem publicam oppresserunt, dum illa bellorum ciuilium tempestas caliginosa, discussis in diuersa animis, desauiebat, meritò minus dilucide cerni potuit, quibus potissimum obsequium esset deferendum: at vero tranquillatis animis, belisque tenebris pacis luce discussis, tum sanè alia rerum omnium & ordinatarior facies clarius elucebat, ut pateret, quis ille esset cui communis consensu pareretur. Non quod vis illata, quod reipublica oppressio, ius facerent, sed quod hominum aggressionibus non optimis, in finem suum sic usque ad diuinam prouidentiam, ut quia vel ad tantum regimen imperij, vel ad disseminandum mox futurum Euangelium, non erat democratio opportuna, violentus quidem unus ceteros oppressus insurgeret, tyrannidique initium daret, at paulo post in communem concordiam inclinati animis, communique auersus seu præteriorum obliuione inducta, ultraneum lasciperetur imperium, tyrannis mutaretur in monarchiam, ac utrumque, affectu & cura pari, tum Imperatorem venerarecur populus, tum populi salutem tueretur Imperator. Certe qui regna transferunt de gente in gentem, et cum maximarum subitas mutatio-

Eccles. 10.

nes leni flexu perficit; potenterque se insinuat, occulta quadam vi omnia in melius prouehens, & quemadmodum supremus omnium moderator huic semper orbis presidet, ita summus confusiois osor, vicarium semper sui inter homines potestatem, sive in ciuilibus, sive in sacris, clarè & aperte vigere, ad humanæ societatis bonum prouidentissime decernit.

Sed haec dicta sufficiant, ut communem auctoritatis vim, Deo semper esse commendatissimam agnoscamus; nihil enim anfractuosum, nihil controuersum habet sacra illa auctoritas, qua Religiosi suis Prelatis obediunt. Constat enim à supremo Dei in terris Vicario Romano Pontifice, unicuique Religiosæ familiæ eam dari potestatem, ut singularum legibus obseruatis, possint Superiores eligi, qui bono communi inuigilent, Religioni Religiosaque præfint; unde consequens est, ut potestatem ab Iesu Christo D.N. per Vicarium eius, & Religionis placita deriuatam, possidere clarissime comprobentur. Quod autem fortassis interdum in questionem vocaretur, hic an ille ritus electus esset, controuersiam de re gesta continet; quæ discussis factis dijudicanda est.

§. 7. Summa veneratione dignos, qui potestate imperandi predicti sunt.

Iam igitur denique concludamus hanc auctoritatem, summum esse donum, quo diuina bonitas, hominis indigentia, humanæque societatis conseruacioni consulere volens, dignissimam quandam, sed certo limite comprehensam, su-

M m m

premæ